



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXVI. Bischof Balderam bestätigt die Schenkung der Kirche zu Jüterbogk dem Kloster Gottesgnade und dotirt die Kirche in Dicke, im Jahre 1183.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

omnibus attinenciis suis a nobis oblatos, quinque modios majoris mensure salis de teloneo Brandenburg annuatim solvendo; villam Damme, a Rudulfo de Jhericho nobis resignatam, a nobis petente conventu ejusdem ecclesie Brandenburg collatam: decimas quoque ejusdem ville, a Wilmaro episcopo Brandeburgensi oblatas, in villa Plufin decem mansos, insuper in eadem ville de viginti mansis duas partes decime; molendinum in Clinke, sex areas in Parduwin, ecclesiam Zechowe cum dote sua, scilicet duobus mansis, et totam decimam ejusdem ville et tertiam partem decimarum de villis ad eandem ecclesiam pertinentibus, videlicet Parne, Lodiz, Werdere; ecclesiam in Goliz cum dote sua, scilicet duobus mansis, et tertiam partem decimarum ville Wachowe, pertinentis ecclesie in Goliz, duos mansos in Wachowe, a Johanne de Plote nobis resignatos, eidem ecclesie in Brandenburg a nobis oblatos; ecclesiam in Nibede cum dote sua, scilicet duobus mansis, et tertiam partem decime de villa Swanebeke villam Sconlo, in qua sunt triginta mansi, cum omni utilitate, villam Vristorp, quam Evererus de Lindowe a nobis in feodo tenuit et nobis resignavit, ad opus ecclesie cathedralis in Brandeburch construende a nobis collatam. Constat itaque omnibus fidelibus cupimus, quod nos pro his conservandis a domino Friderico, Romanorum imperatore, qui hec omnia confirmavit, scriptum bulla imperiali signatum ecclesie cathedrali in Brandenburg optinuimus in curia solempni Magdeburch Kalendas Julii ab eo celebrata, cujus consensu et auctoritate omnia prefate ecclesie in Brandenburg collata confirmamus. Et ut hec nostre collationis et confirmationis pagina inconvulsa permaneat, eam sigilli nostri impressione roboravimus, adhibitis idoneis testibus, quorum nomina sunt hec: Sifridus, Brandeburgensis episcopus, Gerardus, ecclesie prepositus in Brandenburg, canonici ejusdem ecclesie: Walterus, Riquinus, Menzo, Baldericus, Martinus, Walterus et totus conventus, laici vero Badericus, burchgravius in Brandeburch, Evererus de Lindowe, Gerardus Falco, Gerbertus de Lyzeka, Thoedericus advocatus de Brandeburch et alii quam plures clerici et laici. Acta sunt hec a nobis in urbe nostra Brandenburg, anno dominice incarnationis M^o. C^o. LXX^o. IX^o. indictione XII^o. III. Nonas Novembris, regnante domino Friderico, Romanorum imperatore et semper augusto, in nomine domini nostri Ihesu Christi. Amen.

Nach dem Originale.

XXVI. Bischof Balderam bestätigt die Schenkung der Kirche zu Jüterbogk dem Kloster Gottesgnade und dotirt die Kirche in Dicke, im Jahre 1183.

Balderamus, Dei gratia Brandenburgensis Ecclesie Episcopus. Quoniam ex inuncto nobis Episcopalis cure officio admonemur, Ecclesiis Episcopatus nostri privilegii cura providere in iis, que utilitati et tranquillitati earum credimus profutura. Proinde notum esse cupimus omnibus Christi fidelibus, tam presentibus, quam succedentibus, quod Venerabilis Wicmannus, sancte Magdeburchensis Ecclesie Archiepiscopus, legitima traditione contulit Monasterio B. Victoris in Gracia Dei, agente Gonthero, eiusdem Monasterii Provisore fideli, Ecclesiam in Juterbück, cum sex Mansis eidem ville adiacentibus nec non cum aliis quinquaginta Mansis in duabus villis, quarum una vocatur Dicke altera Rothe. Addidit preterea et Capellam in Urbe, et omnes ecclesias, que infra Juterbock edificate fuerint, ut ad principalem ecclesiam pertineant, et insuper

Hauptst. I, Bd. VIII.

procuratio quatuor circumiacentium villarum, quarum vocabula sunt Rutenize Rotenwienstorp, Brodisse, Gerardistorp, et preterea tertia pars decime ex eisdem quatuor villis, et insuper ex eadem villa Juterbock absque contradictione ad eandem ecclesiam perpetuo pertineant. Sequenti quoque tempore Venerabilis Sifridus tunc Brandenburgensis Episcopus, postmodum vero Bremensis Archiepiscopus, eandem ecclesiam in Juterbock dedicavit et quatuor villas, quarum supra scripta sunt vocabula, cum tertia parte decime, que ex iisdem villis, et ex ipsa villa Juterbock provenire poterit, que ad Brandenburgensis Episcopatus iustitiam spectabat, integraliter in dotem et proprietatem Ecclesie absque contradictione assignavit. Nos igitur precedentium vestigiis inherentes, Ecclesiam in villa que vocatur Dicke confirmavimus et dotavimus cum assignatione duarum villarum proxime adiacentium, quarum una vocatur Hinrikestorp sive Waltrikestorp, altera Rulestorp. Ut autem hec, que a duobus Episcopis Venerabilibus in prescriptis donationibus rationaliter et absque contradictione gesta sunt et preterea nostra donatio nunc et in perpetuum stabilis et inconvulsa permaneat, presenti scripto cum sigilli nostri impressione decernimus, et autoritate Dei omnipotentis, beatorum Apostolorum Petri et Pauli sub anathematis comminatione stabilimus. Actum anno Domini Incarnationis Millesimo Centesimo Octogesimo Tertio.

Brüne Beiträge I, 234.

XXVII. Der Bischof Balderam bestätigt dem Domcapitel dessen Besitzungen und Gerechtsame 1186.

— Ego Balderamus, dei gratia Brandenburgensis ecclesie episcopus. Quia in ecclesia beati Petri, apostolorum principis, Brandeburch, divina, ut spero, me promovere voluit gratia, iustum est, ut eam modis omnibus, quibus valeo, honorare et exaltare satagam fratresque nostros ibidem deo fervientes consolatione fraterna foveam eorumque iustis et rationalibus petitionibus aures exorabiles prebeam. Eorum itaque iustis precibus pie annuentes, bona Brandenburgensis ecclesie, que ei predecessores mei episcopi et seculares principes seu quelibet honoratorum vel privatorum persone iusto jam donationis titulo contulerunt vel adhuc collature sunt, nos auctoritate dei omnipotentis et beati Petri apostolorum principis, et domini Urbani pape et nostra confirmamus et presentis pagine munimine stabilimus. Inprimis ergo collaudamus et confirmamus, ut canonici ordinis Premonstratensis, qui secundum dei timorem et beati Augustini regulam ab episcopo beate memorie Wigero in ecclesia sancti Godehardi in villa Parduwin dignoscuntur prius constituti, postmodum vero a venerabili episcopo Wilmaro consilio et auxilio domini Wichmanni, Magdeburgensis archiepiscopi, atque marchionis Alberti et filii ejus, marchionis Ottonis, in sedem episcopalem urbis Brandeburch sunt transpositi et usque ad tempora nostra laudabiliter conversati, inconvulsa permaneant. Omne etiam jus canonicum, quod cathedrales ecclesie Saxonie iuste et rationaliter debent habere eisdem canonicis confirmamus, videlicet ut, obeunte eorum pontifice, in electione futuri episcopi cum preposito eorum, qui et episcopalis sedis archidiaconus est, primam habeant vocem, nullusque eis invitis per aliquam subreptionis fraudem vel per violentiam preponatur, sed quem concors fratrum cum preposito assensus vel pars sanioris consilii de gremio ipsius ecclesie elegerit, ipse optineat. Si autem in ecclesia eorum persona ad pontificalem dignitatem non invenitur idonea, quod facile fieri non spera-